

UGOVOR
o nabavci usluga

zaključen između:

Javna ustanova Opća bolnica „Prim.dr Abdulah Nakaš“

Sjedište: Kranjčevićeva 12, Sarajevo

koju zastupa v.d. direktor bolnice, Prof. dr.sci.med Ismet Gavrankapetanović

Identifikacijski broj: 4200288400001

(u daljnjem tekstu: Naručilac)

i

SONO MEDICAL d.o.o. Sarajevo (naziv Pružaoca usluga),

Azize Šaćirbegović bb, 71000 Sarajevo (sjedište Pružaoca usluga),

Dr.Igor Kurjak (osoba ovlaštena za zastupanje Pružaoca usluga / potpisivanje ugovora),

4200102400007 (identifikacioni broj – za domaće Pružaoce usluga, odnosno za inostrane

Pružaoce usluga odgovarajući broj za identifikaciju prema registraciji – poreskoj, statusnoj i dr. –

Pružaoca usluga u zemlji porijekla / sjedišta)

132731001013796 (transakcijski račun Pružaoca usluga)

NLB Banka (naziv banke Pružaoca usluga)

(u daljnjem tekstu: Pružaoac),

PREDMET UGOVORA

Član 1.

Predmet ovog ugovora je nabavka usluga i to: **Interventno održavanje medicinske opreme proizvođača KARL STORZ**

dalje: usluge koje će Pružaoac vršiti Naručiocu u skladu s odredbama ovog ugovora i sljedećim dokumentima koji čine sastavni dio ovog ugovora u obliku njegovih priloga i to:

Ponudom / specifikacijom Pružaoca br. **470/20** od **26.10.2020.godine** – dalje: ponuda Pružaoca - (Prilog 1), (ugovorne strane podrazumijevaju da kompletna ponuda Pružaoca koja je dostavljena po predmetnoj nabavci sa svim dostavljenim dokumentima / aktima / dokazima / nacrtima / specifikacijama i dr. čini sastavni dio ugovora sa tim da se zbog obimnosti iste uz ugovor fizički vežu samo dokumenti iz ponude koji se odnose na osnovne komercijalne i tehničke elemente ugovora / nabavke), dostavljene po Konkurentskom zahtjevu za nabavku usluga : **JN-93/20**

CIJENA

Član 2.

Cijena koju će Naručilac isplatiti Pružaocu za usluge iz člana 1. Ugovora iznosi:

Ukupna vrijednost ponude na godišnjem nivou

- Cijena bez PDV-a: **27.860,00 KM**;
- Porez na dodanu vrijednost (PDV 17%) = **4.736,20 KM**;
- UKUPNA VRIJEDNOST / CIJENA sa PDV-om = **32.596,20 KM**
(slovima: **tridesetdvijehiljadepetstotina devedesetšest i 20/100 KM**).

Cijena efektivnog norma sata

- Cijena bez PDV-a: **60,00 KM**;
- Porez na dodanu vrijednost (PDV 17%) = **10,20 KM**;
- UKUPNA VRIJEDNOST / CIJENA sa PDV-om = **70,20 KM**
(slovima: **sedamdeset i 20/100 KM**).

Finansijska sredstva za predmet nabavke obezbjeđena su u skladu Planom nabavki za 2020. godinu broj 43-22/20 od 29.01.2020. godine (stavka 184 tačka 7).

USLOVI I NAČIN PLAĆANJA

Član 3.

Plaćanje će se izvršiti u roku od **30 dana** od dana zaprimanja računa za izvršene usluge. Plaćanje se obavlja na žiroračun Pružaoca. Naručilac ne prihvata avansno plaćanje i traženje sredstava osiguranja plaćanja. Ukupna plaćanja Pružaocu bez PDV-a na temelju sklopljenog ugovora ne smiju prelaziti procijenjenu vrijednost nabavke.

Naručiočeva obaveza da isplati cijenu podrazumijeva poduzimanje mjera i udovoljavanje formalnostima predviđenim Ugovorom ili odgovarajućim zakonima i propisima da bi se omogućilo plaćanje.

Pružaoac je dužan izdati / sačiniti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena Pružaocu na usklađivanje.

Uslovi plaćanja i drugi uslovi koje Pružaoac jednostrano unese u fakturu ne obavezuju Naručioca ni onda kada je fakturu primio, a nije joj prigovorio.

ROK IZVRŠENJA USLUGA

Član 4.

Rok pružanja usluga iz člana 1. ovog ugovora je **1 (jedna) godina** računajući od datuma obostranog potpisivanja ovog ugovora.

Pod pružanjem usluga se podrazumijevaju sve potrebne radnje koje je Pružaoc dužan obaviti, prema ugovoru i prirodi posla, da bi Naručilac mogao primiti izvršene usluge.

Pružaoac je dužan izvršiti ugovorene usluge prema vrsti i kvaliteti predviđenim ugovorom te njegovim priložima. Pružaoc je dužan predati Naručiocu svu dokumentaciju koja se odnosi na izvršene usluge.

Mjesto izvršenja usluga je: **Javna ustanova Opća bolnica „Prim. dr. Abdulah Nakaš“, Kranjčevićeva broj 12, 71000 Sarajevo.**

Naručilac se obavezuje isplatiti cijenu i primiti izvršene usluge onako kako je predviđeno ovim ugovorom. Naručiočeva obaveza prijema ugovorenih usluga općenito se sastoji u obavljanju svih radnji koje se razumno od njega očekuju da bi omogućio Pružaocu da izvrši i preda radove Naručiocu.

NAČIN IZVRŠENJA USLUGA

Član 5.

Pružaoac je obavezan usluge iz člana 1. Ugovora izvršiti u roku, na način i pod uslovima određenim ponudom Pružaoca i odredbama ovog ugovora te pri tome postupati sa pažnjom dobrog privrednika, odnosno sa pažnjom dobrog stručnjaka, u suprotnom preuzima i snosi punu odgovornost, troškove i rizik.

U izvršenju usluga Pružaoc je dužan osigurati da iste u njegovo ime izvršavaju eksperti iz predmetne oblasti sa odgovarajućim nivoom znanja / vještina za konkretne usluge.

VLASTITA MJENICA ZA OSIGURANJE IZVRŠENJA UGOVORENIH OBAVEZA

Član 6.

Pružaoac je, u smislu osiguranja izvršenja obaveza po ovom ugovoru, obavezan Naručiocu dostaviti sljedeće vlastitu mjenicu (prema formi / obrascu utvrđenom od strane kupca):

- vlastitu mjenicu za uredno izvršenje ugovora / dobro izvršenje posla uz mjeničnu Izjavu u iznosu 10% ukupne vrijednosti Ugovora sa uračunatim PDV-om, sa rokom važnosti mjenice: rok izvršenja usluga + 30 dana;

Pružaoac će mjenicu iz prethodnog stava dostaviti u roku od 10 (deset) dana od dana zaključivanja ovog ugovora / obostranog potpisivanja ovog ugovora.

Vlastita mjenica za uredno izvršenje ugovora dostavlja se u originalu. Mjenica ne smije biti ni na koji način oštećena (bušenjem, i sl.) jer probušena ili oštećena garancija se ne može naplatiti. Ukoliko mjenica za uredno izvršenje ugovora nije dostavljena na propisan način, shodno uslovima iz tenderske dokumentacije i u roku iz prethodnog stava, zaključeni ugovor će se smatrati apsolutno ništavim.

UGOVORNA KAZNA, ZATEZNA KAMATA

Član 7.

U slučaju kašnjenja u izvođenju radova Naručilac će zaračunati i naplatiti Pružaocu na ime ugovorne kazne iznos od 1% ukupne vrijednosti radova čije izvršenje kasni za svaki puni dan zakašnjenja počev od prvog dana zakašnjenja do maksimalnih 5%, ukupne vrijednosti / cijene Ugovora.

Naručilac ne može zahtijevati ugovornu kaznu ako je primio ispunjenje obaveze, a nije bez odlaganja pismeno saopštio Pružaocu da zadržava svoje pravo na ugovornu kaznu.

Na zakašnjela plaćanja Pružaoac će zaračunavati Naručiocu zatezne kamate prema primjenjivom / pozitivnom propisu.

VIŠA SILA

Član 8.

Ako slučaj više sile spriječi, potpuno ili djelimično, izvršenje obaveza po ovom ugovoru, ugovorna strana zahvaćena slučajem više sile je obavezna da o nastanku slučaja više sile, o vrsti i o eventualnom trajanju više sile pismeno obavijesti drugu ugovornu stranu u roku od 7 (sedam) dana od nastanka slučaja više sile. Ako se blagovremeno ne javi nastupanje slučaja više sile, ugovorna strana koja je pogođena tom okolnošću ne može da se poziva na nju, izuzev ako sama ta okolnost ne sprečava slanje takvog obavještenja.

Pod višom silom, u smislu prethodnog stava, smatraju se spoljni i vanredni događaji koji nisu postojali u vrijeme potpisivanja ovog ugovora, koji su nastali mimo volje ugovornih strana, čije nastupanje i djejestvo ugovorne strane nisu mogle spriječiti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

Kao slučajevi više sile smatraju se sljedeći događaji: rat i ratna djejestva, pobuna, mobilizacija, štrajk u preduzećima ugovornih strana, epidemija, požar, eksplozije, saobraćajne i prirodne katastrofe, akti organa vlasti od uticaja na izvršenje obaveza i svi drugi događaji koje nadležni organ priznaje i proglasi kao slučajeve više sile.

Za vrijeme trajanja više sile obaveze ugovornih strana po ovom ugovoru miruju, ne primjenjuju se odredbe Ugovora o ugovornoj kazni, sa tim da se rok za izvršenje obaveza ugovornih strana produžava za period koji odgovara trajanju slučaja više sile i razumni rok za otklanjanje posljedica više sile.

Ukoliko slučaj više sile bude trajao duže od 30 (trideset) dana, ugovorne strane će se sporazumijeti o daljoj sudbini Ugovora. Ukoliko se ugovorne strane ne sporazumiju o sudbini ugovora, ugovorna strana kod koje nije nastupila viša sila ima pravo na raskid ugovora pošto o tome pismeno obavijesti drugu ugovornu stranu.

STUPANJE UGOVORA NA SNAGU

Član 9.

Ugovor se zaključuje na period od jedne godine.

Ovaj ugovor stupa na snagu danom obostranog potpisivanja od strane ovlaštenih lica ugovornih strana. Svi rokovi u vezi s ovim ugovorom računaju se od dana stupanja ugovora na snagu.

PRIMJENA ZAKONA O OBLIGACIONIM ODNOSIMA

Član 10.

Ugovorne strane su saglasne sa primjenom odredbi Zakona o obligacionim odnosima i to u pogledu prava, obaveza i odnosa koji nisu regulisani odredbama ovog ugovora, a koji nastanu u vezi s i povodom izvršenja ovog ugovora.

RJEŠAVANJE SPOROVA

Član 11.

Sve eventualne sporove i nesporazume koji bi mogli nastati iz ovog ugovora ili povodom ovog ugovora, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. ovog člana ugovara se nadležnost suda u Sarajevu, Bosna i Hercegovina, uz primjenu pozitivnog prava Bosne i Hercegovine.

Ukoliko se jedna od ugovornih strana ne bude pridržavala odredbi ovog ugovora, druga strana ima pravo na jednostrani raskid ugovora u roku 30 dana od dana prijema pisane obavijesti.

Raskid ugovora se vrši u pisanoj formi.

OSTALE ODREDBE

Član 12.

Pružaoac nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 13.

Izmjene i dopune ovog ugovora mogu se vršiti samo pismenim putem. Bit će punovažne i obavezivati će ugovorne strane samo one izmjene i dopune koje su sačinili sporazumno u pismenoj formi.

Član 14.

Ovaj ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Pripremio:

Kenan Čengić, BA općeg prava – službenik za javne nabavke

Kontrolisale:

Amira Petrović, BA općeg prava - šef Odsjeka za javne nabavke

z* Amela Smajić - Džaferagić, BA općeg prava, - šef Odjeljenja za zajedničke poslove

Pružalac:

SONO MEDICAL d.o.o. Sarajevo

DIREKTOR

Dr. Igor Kurjak

Naručilac:

Javna ustanova Opća bolnica

„Prim.dr Abdulah Nakaš“

V.D. DIREKTOR

Prof. dr. sci. med. Ismet Gavrankapetanović

Broj 52/20
Sarajevo, 16.11.2020. godine

Broj: 8795-11/20
Sarajevo, 30.10.2020 godine

